



草堂雅集

柯九思

玉山顧瑛



字敬仲天台人由太學轉官仕至奎章閣鑒書博士
 當天曆間與虞李諸公特被顧遇尋歸老江南與予
 為忘年交凡予所藏書畫多所題品其宮詞尤為得
 體以予愛其詞故多書焉議者以為不在王建下畫
 竹用文湖州墨法墨花尤出新意蓋游戲出於天資
 不與俗工同日語也

宮詞一十五首

萬國貢珍羅玉陛九賓傳贊捲珠簾大明前殿筵初秩
勳貴先陳祖訓嚴

凡大宴世臣掌金匱之書必陳祖宗大札
撒以為訓

黑河萬里連沙漠世祖深思創業難數尺闌干護春
草丹墀留與子孫看

世祖建大內命移沙漠莎草于丹墀示子孫
毋忘草地也

親王上壘宴西宮聖祚中興慶會同爭捲珠簾齊仰望
瑞雲捧日御天中

天曆元年十二月二十七日篤伶帖木兒怯

薛第二日寶房內對速古兒赤明里董阿平

章月魯不花右成六都赤哈刺八尚詩

有來典瑞院官告寶兒同僉答失蠻經歷柯

都事奏十月二十三日上都送寶來的時分

興聖殿御宴其間有五色祥雲捧日當殿本

院官院判鄭立經歷張符都事柯九思等與

衆於殿前一同仰觀郁、紛、非霧非煙委
係卿雲現似這般祥瑞應時呵如今與省家
文書行移國史院標寫入史呵怎生奉
旨您每行文書者

四海昇平一事無常參已散集諸儒傳宣群玉看名画
先進開元納諫圖

凡御覽法書名画群玉內司掌之

萬里名王盡入朝法官置酒奏簫韶千官一色真珠襖
寶帶攢袞穩稱腰

凡諸侯王及外蕃來朝必錫宴以見之國語
謂之質孫宴質孫漢言一色言其衣服皆一
色也

官家明日慶生辰準備龍衣熨帖新奉御進呈先取旨
隋珠錯落間奇珍

御服多以大珠盤龍形嵌以奇珍曰鴉忽曰
璠者出自西域有直數十萬定者

傳宣太府頒宮錦近侍承恩拜榻前製得袍成天未曉
著來香殿賀新年

臘前分賜近臣襖材謂之拜年段子

鳳城女樂擁祥烟梵座春遊浹管弦齊望綵樓呼萬歲
柘黃只在五雲邊

故事二月十五日迎帝師遊皇城宮中結綵樓臨觀之

花明畫錦柳搖絲仙島陪鑿濯禊時曲水番成飛瀑下
逶迤銀漢接清池

故事上巳節錫宴于萬歲山

儒臣春直奎章閣玉陛牙牌報未時仙仗已迴東內去

牡丹花畔得圍棋

上日御奎章報未時則還內殿矣

玉梳調冰湧雪花金絲纏扇綉紅紗綵牋御製題端午
勅送皇姑公主家

皇姑者魯國大長公主皇后之母也天曆二

年端午上賜甚厚并御詩送之

觀蓮太液汎蘭橈翡翠舳舻戲碧茗說與小娃牢記取
御彩綉作滿池嬌

天曆間御衣多為池塘小景名曰滿池嬌

珠宮錫宴慶迎祥麗日初隨綵線長太史院官新進曆
榻前一賜諸王

每歲日南至太史進來歲曆日

元戎承命獵郊坰初賜新羅白海青得雋歸來如奏凱
天鵝馳送入宮庭

海青者海東俊鶻也白者尤貴有數十金者

玉漏藏機水暗泳真珠射日動燈毬偶人自解開青瑣

高拱龍床報曉籌

大明殿有燈漏飾以真珠內為機械以小木

偶人十二捧十二相屬每辰初刻偶人相代

開小門出燈外板上直御床立捧辰所屬以

報時

宮詞十首

徽儀閣內製春衣日長倦綉立彤闈奚官折送杏花去

笑看玉階胡蝶飛

黃金幄殿載前驅象背駝峯盡寶珠三十六宮齊上馬

太平清暑幸灤都

奉常告吉禴初冬太室精禋一念通傳旨外廷休奏事

今朝天子坐齋宮

太華閣後春歸早百種名花臘日開為是君王行不到

園官講殿進盆梅

千岩雨過翠玲瓏太液池邊看綵虹何處蓬萊通弱水

儀天殿在畫橋東

中書已奏新除了押寶還催內閣開斜插白麻龍篆濕

近臣當殿謝恩來

高鼻黃鬚款塞胡殿前引貢盡龍駒仗移天步臨軒看

畫

試馬圖

皇心簡注勳臣舊未有人知擬拜除宣索綵戲濡玉筆

榻前先命小臣書

夜深回步玉闌東香燼龍煤火尚紅折得海棠無覓處

依然遺却月明中

小時歌舞擅宮庭長憶先皇酒半醒白髮如今垂兩鬢

佛前學得念心經

長信宮秋詞

羊車聲遠意徒勞望斷長門月影高猶恐九霄風露早
明朝擬送哀龍袍

和許彥溫宮詞

暖吹生香花半吐三十六宮傳笑語
雕闌並倚弄新春翠衿不管露微雨

小娃相對學吹簧雲母屏風白玉堂
中貴傳日將暮不省秋閨斷寸腸

漢長門詞

阿嬌初入漢宮時金屋承歡春晝遲
欲學新粧重覽鏡如今羞畫翠蛾眉

翠華明日遊仙苑為報春風候六龍
妾顏如花番被妬

莫教花顏似奴容

梧桐秋雨滴昭陽不分燈花故近床
欲下羅幃宮漏永細看當日綉鴛央

名花傾國占宮闈香損傷風傍路飛
却憶夜來宮裏事篋中未熨袞龍衣

題風雨泊舟圖

春風桂楫木蘭舟欲采芳蘅不自由
淺瀨潏吹暮雨蒼梧雲冷易生愁

題魏國走馬圖

月淡花濃酒半消
沉香亭暖度簫韶
傳宣趣賜飛龍馬
魏國夫人早入朝

春風題金國端箭人馬卷

鐘帳雪花寒單于夜不還
分弓傳令肅明日獵天山

題趙松雪畫馬

沙場萬里貳師還
天馬如雲入漢關
當日丹青誰策一
為傳神駿落人間

題小景便面

渚宮正在綠楊西
鳳管龍笙法曲齊
采玉賦成爭諷詠

荷花深處起鳧鷖

題翠瓶色梅圖

玻璃瓶暖翠痕深
萼綠仙人出上林
不放春風吹綉閣
妝魂無語畫暗

題朱澤民臨李營丘寒林圖

高林曾記舊黃昏
下筆生春畫掩門
劍器低昂動山岳
翠蛾誰解憶公孫

題從子倫畫雪景便面

千山雪月繞漁磯
寒沁船窗酒暈微
魂斷翠禽香入夢

梅花應笑美人歸

題趙仲穆畫桃花馬

桃花出水映連錢
太液新酣綠樹烟
催賜金鞍調得穩
翠華明日幸溫泉

題商壽巖畫山水

集賢曾畫嘉熙服
初賜黃金拜舞歸
從此人間重山水
清泉白石轉晴暉

題趙子昂畫蘭

補天事遠奈君何
蒼石雲深憶女媧
惆悵幽人在空谷

自紉芳佩鬢先皤

題明雪窓画蘭

清事相過日應酬
山僧信筆動新秋
王孫遺法風流在
解使平臺石點頭

王孫謂子固子昂昆仲也時雪窓住虎丘寺

筆生沈日新來求書就寫舊詩以寄

沈生筆妙能隨意
曾記蓬萊應制時
三十六宮花漠

玉階研露寫新詞

墨工林松泉來求薦就寫寄

先朝誰進林家墨曾試龍樓鳳餅新玉硯光華雲彩動
殿中書詔賜功臣

贈相士王生

不見王生二十年武夷山下看清泉南柯夢裡猶相問

墨貯黃金可赴燕

就寄筆生溫國寶

千金當日賦長門溫老中書預選掄江上秋霜飛鬢影

怕拈湘管見啼痕

贈周信之教授

霞蒸春暖丹初熟許我刀圭未暇尋只在北央湖上任

杏花種得滿園林

題雪溪達上人像于玉山草堂

道人曾宿靈隱寺能畫寺前山意秋古木立猿啼夜月

下有清泉如玉流

明月歌送僧東遊

上人忤世祇好遊蹶踏空翠凌清秋時人問之寂無語

明月在天惟點頭吳山越嶠皆明月桂影相隨渡東浙

煩師問訊吾故居山近瓊臺瞰雙闕

贈匡廬山人

道人欲築希夷室自向身中煉火丹何日朝元遊絳闕
九霄回首月華寒

贈栢子庭上人用匡廬山人韻

影碧玲瓏獨坐蒲團月正中直須推却栢樹子

清光無極太虛空

題匡廬山人所藏雲松圖于玉山書舍

幽人結屋廬山側卧看九江天際來白雲萬壑青松老
時撫絲桐坐綠苔

題周文矩畫太真攀鞍圖

春風別院奏笙歌妃子攀鞍轉曉波不信開元太平日
香魂淪落馬嵬坡

題趙松雪畫挾彈圖

夜合花開畫漏遲王孫遊騎出平堤玉鞭緩策青林下
回首風前聽子規

題趙松雪春山圖

落花飛絮春日間散策深林獨往還成應對人語
好似西湖西畔山

此紀管神姬畫眉時語也

題趙仲穆畫

山頭應是館娃宮
錦綉樓臺路可通
年々長見五湖水
萬斛舟行白浪中

題文與可畫竹

湖州放筆奪造化
此事世人那得知
足然何處見生氣
彷彿空庭月落時

題李遵道春山圖

江上蘭橈倚綠波
江頭聽唱竹枝歌
使君多少傷春意

新画青山作髻螺

題李遵道画扇

江清地僻野人家
門外橋通石徑斜
不信東華塵十丈
萬山晴雪看梨花

題王孤雲界畫山水圖

滿地山河如綉迴
巖樓閣凌風幾度
春花秋雨不知秦
苑吳宮

題道士黃松瀑詩帖後

道人下筆重黃金
尚憶宮牆古木深
獨倚闌干揮老淚

江山風雨動哀吟

題達兼善書漁莊篆文

閒居正憶龍頭客喜見秦人小篆文
便到山中看摹勒已拚十日卧寒雲

題朱元章海岳庵圖

我弃朝歸海岳庵千岩萬壑繞江南
先生預擬歸來計不待臨風雪滿簪

題朱元暉山水

帝鄉春日曾舒卷溪館秋風每見之
處處雲生山似畫

年、老去髣如絲

題漁父圖

黃金不用買驂騑十丈紅塵沒馬頭
好買扁舟逐漁父一江春雨看浮漚

題張管畫橫笛士女

纖手鐫宮徵紗痕薄暮霞畫眉人去後
深院落梅花

題黃筌畫紅蕉十二紅

故國三千里名禽十二紅白頭供奉在
揮淚濕東風

題芙蓉画眉

誰道秋容淡名花帶露穠畫眉聲欲碎莫放曉妝慵
題邊武畫蒼松圖

疎竹搖秋雨蒼松凝晚烟王孫歸未得誰復效春妍

題周文矩畫熨帛士女

熨開香霧細裁縫蜀錦吳綾五色穠雲母屏前秋冷淡
自將纖手折芙蓉

題拜石圖

麾斥烟霞世莫儔須江太守獨清流
逢前見石即下拜石若有情應點頭

題王仁壽畫駝

西域降王朝正朔名駝載玉曉連山
兩峰殘雪隨羌鼓萬里流沙關仗內垂鈴珠
錯落駕頭蒙背錦闌斑

汝南甯識如今滿世間

題姚婁東所藏平臺寒林圖

古木寒林欲斷魂家山落日近黃昏
相從便問桃源路絕頂人行何處村

題高尚書畫松石圖

人自幾見尚書畫苦愛蕭蕭聳壑姿
便欲竟騎玄鶴去

青苔石上坐題詩

題趙子固畫墨蘭

王子當時倚玉樓
飄蕭翰墨足風流
人間自有清香種
不逐湘纍一樣愁

題所藏趙仲穆畫江山秋霽圖

國朝名畫誰第一
只數吳興趙翰林
高標雅韻化幽壤
斷縑遺楮輕黃金
憶昔京華陪勝集
郎君妙年才二十
江南春雨又相逢
筆底秋山那可及
便欲追蹤僧巨然
破墨爛熳還清妍
倚闌人待滄海月
懸崖樹拂瀟湘烟

老夫愛扁舟
趣風靜波深
疑可渡顧生
瘖絕忽大叫
指點前峰問
歸路

題墨蘭

紫深碧淺俱可愛
花開無主倚湘筠
虛齋欲賦離騷意
千里相逢喜似人

題墨蕙

風飄蕙花香滿谷
走覓清香以韻狂
但恐良時不再得
非關學尋芳

題商集賢畫山水

山人苔徑散青鞋
上有雲烟疊翠崖
何處彈琴消白日
隔溪脩竹繞茅齋

題李息齋畫竹四首

仙客揮毫不可招
綠雲猶繞翠筵飄
天風吹醒丹淵夢
冉冉青鸞下九霄

深宮雨過長苔痕
誰憶羊車舊日恩
惟有集賢癯學士
一枝漠漠記黃昏

筆端隨意長清標
踈葉生風剪
飄羸馬城南看新筍
雨餘初散集賢朝

使君弭節毗陵日
屏障家
有畫圖何似小窓橫
幅好
青鸞雙過洞庭湖

題郭元方畫海棠蛺蝶

名花楚楚近清尊
蛺蝶春生五色痕
金屋瓊窓無鎖鑰
蓬萊飛墜太真魂

題蘇村畫竹石

別墅但煎茶
溪邊路不賒
藍橋曾種玉
春筍出仙家

題武洞清河羅漢像

天廚送食鹿啣花
口誦恒河沙
復沙獨立虛空無所住

石橋西畔老夫家

題錢舜舉杏花

一枝繁杏逞妖嬈
曾向東風楊柳腰
金山河邊三十里
落紅如雨玉駉驕

張叔厚白描乘鸞仙

秦臺縹緲近天涯
紅露霏_々隔絳紗
簫史不歸春欲老
吹簫祇在碧桃花

題周昉畫荔枝宮女圖

驪山宮殿九天開
盤出輕紅破玉腮
中使傳宣催驛騎

宮娥報道荔枝來

題李遵道畫竹

秋風滿紙老黃華
元氣淋漓歌復斜
應是黃岩癯太守

青鞋時過野人家

題溫日觀畫蒲萄

學士同趨青瑣闥
中人捧出赤瑛盤
丹墀拜賜天顏喜

翠袖携歸月色寒

題高尚書竹石圖

黃華澹游今已失
尚書筆力驚千古
月明風細晚涼生

環珮條、度湘浦

贊觀音像

度盡眾生成正覺圓通誓願共三千適從極樂國中過
分得蓮花十丈船

題從子倫寫生芍藥于玉山佳處

九十春光事已非翻階紅藥尚天機
畫工點染成生色說與東君少待歸

題王元章寫紅梅花

姑射燕支襯露華一枝楚、進天家
君王不作梁園夢

金水河邊厭杏花

題馮子橫幅荷花圖

水殿風生酒力微三千宮女綠荷衣
美人應妬華隨去月上瑤階未肯歸

題蔣東老卷

岑丘溪灑春來綠水繞山環似盤谷
幽人嘉遯十三傳時散黃金買書讀

玉山以詩來招予與姚婁東過小隱其詩云溪

上東風楊柳絲淺紅初上海棠枝
載取山公同

一醉風流不減習家池用韻先寄

京華春日看遊絲歌度雕梁舞柘枝一代風流今已矣

芭蕉題徧憶臨池

題廬蓋脩画水仙花

暖瓊柔翠曉慵妝香損北央瓦上霜帝子愁多春夢遠

佩搖明月近瀟湘

題宋好古綠竹圖

仙子相邀駕綵鸞瑤池玄圃拾琅玕却怜宋玉多才思

顏得森森翠羽寒

題宋徽宗畫柔條雨燕

雙燕承恩重立畫柔條活欲栖莫忘六官春雨暮

珠簾捲處不曾低

玉山素愛予詩近又以予書法作小楷今以

舊詩十五首為寄

春直奎章閣

旋拆黃封鑄茶玉泉新汲味幽嘉殿中今日無宣喚

閒捲簾看柳花

春來瓊島花如錦紅霧霏張九天底事君王稀幸

御儒臣日日待經筵

退直贈月

西華門外玉駝驕
新賜羅衣退晚朝
綉枕魂清踈雨暮
海棠銀燭度春宵

元日會朝大明宮

軒冕朝元湧翠埃
中天雞唱內門開
雲飄五鳳層樓直
日繞群龍法駕來
謁者引班聯寶帶
上公稱壽進金杯
撞鐘告罷宮花側
人指儒冠錫宴回

次杜德常典籤玉泉寺秋日感懷韻

萬騎時巡九月迴
年望幸寺門開
兒童不識髯龍遠
猶問君王幾日來

玉殿珠樓漾水光
翠華來幸拂天香
高皇魂魄應思沛
時有祥雲護此方

貝葉空聞馱白馬
金根不復駕蒼虬
當時迎日花如錦
一片人間逐水流

錦纜牙檣天上移
美人爭挽綠楊枝
如今淚洒西風急
採盡蘋花晚欲吹

縈波翠荇牽秋恨
迥露紅蕖落曉芳
惟有舊時西嶺月

自移閣影過朱墻

送尚醫林邦獻歸天台省親

嘗藥事親師華扁玉函方秘得其傳採芝曾斲瓊臺月
者木時飄碧海烟幾載尚醫留帝里一朝歸省上江船
五雲閣吏今華髮為報桃花洞裏仙

送趙季文之湖州參軍與達無善秘書同賦

人生功名如掣電獨有君家吾所羨弟兄玉立總成名
堂上慈親尚強健伯兄日報平反喜溢萱花促張宴
參軍赴官百餘里甘旨懸知可充膳聞君二月當揚舲

太湖水暖春冥冥碧瀾堂前萬花麗水精宮外羣峰青

幕府事稀多暇日騎馬題詩放陳迹野亭日落朱顏酡
早寄書來慰思憶

兼善詩曰聞說吳興郡清溪遶翠微不妨遊

官樂毋取曠官譏曉鼓綠雲起春帆帶雨飛

公餘無俗事扎翰莫相違

題芭蕉室

芭蕉揮翰思懷素茅屋賦詩憐已公窓間淡碧搖春日
階上層陰納午風寧辭萬彙同流轉已悟一室藏虛空

他時相對維摩榻笑看枝頭花朵紅

贈醫者徐後庵

人說徐卿有奇術京華視病覓詩酬能知夢裏釣天樂
戲作壺中避世遊客館守丹和月坐名山採藥帶雲收
有人來問陽初復杜若春風江上洲

送王誠夫赴無錫知州

黃金橫帶爛輝先出守寧辭道路長鵝序久陪蒼水使
鳳池曾赴紫薇郎雙旌坐鎮清溪月列戟看凝宴寢香
肯汲惠山泉見寄青春煮茗當還鄉

題安僧元帥遠景亭

東河亭子憑高坐俯瞰平原繞茂林滄海月生朱戟濕
秦山雲起綉簾陰夢回春渚鐘聲小日捲晴空雁影沉
誰似詩書老元帥清時於此寫丹心

潞陽客舍和儲生韻

逆旅栖遲筆硯香柳車底事戀文章雲拖鴻雁生秋色
月冷魚龍湧夜光慟哭有誰憐賈誼形容已老似馮唐
風沙忽遇江南客佳句猶期萬里驤

送秘書掾李道濟之峽州知事

館閣論文久都門出錢遲同為游宦客忍賦送行詩蜀
道傳鸚鵡江亭叫子規地偏公事少峽外看舟移

送趙虛一還金陵書虞翰林後

詞臣通籍侍金闈天語從容問舊蹊雲外山高龍虎踞
人間松老鳳皇樓翰林擬詔當紅藥道士疏封出紫泥
更賜金錢祠泰畤寒陽前殿麗璇題

虞翰林詩并序曰天曆二年三月廿五日某

侍立延閣上顧問某嘗至金陵否某謹對

曰嘗到又曰治亭是汝所題往年八九至

其處新松當長茂矣某謹對曰是未種松時
到也近臣奏言道士趙虛一所種也上曰

然已陞觀為宮汝知之乎某謹對曰臣奉

勅題榜賜之矣是日歸虛一來別歸江南即

告以奉聖上不忘治亭之意又三日吳大宗

師持卷來索詩贈行因錄所得如上云詩曰

春明書侍奎章閣聖上從容問治亭為報

仙都趙真士新松好護萬年青

送李教授之湖州

水精宮裡尋春處天日山前看月時
隔岸園亭俱可愛舊時風物未全衰
廣文遊宦詩如錦博士淹留髮欲絲
欲謝君恩無寸補他年杜牧去應遲

送達兼善赴南臺御史

楊花滿隄春已暮况是都門送客時
共陪鵲鵲方自慰遠乘駄馬令人思
汀州水濶生杜若山驛雲深啼子規
東南此去須行志斗米七千人苦飢

送程鵬翼赴山東運司經歷

齊人富國書猶在煮海為鹽屬縣官
千竈飄烟雲樹濕

萬盤凝雪浪花乾西曹儒雅聲華舊
東郡司存禮數寬談笑雲霞公事了
大明湖上凭闌干

題宋誠夫尚書垂綸亭

尚書昔隱江漢間垂綸蒼波弄白日
千山桃葉起春謳萬頃蘆花湧秋色
適興偶拂珊瑚光豈意渭濱終得璜
未央奏策動天子四海籍傳文章至今
亭子松陰古磯上蒼苔長膏雨經綸事
竟尋舊遊願逐茶烟渡湘浦

俞希聲置竹石于几案間名曰小山
陰山陰吾之故鄉不能無題

昔年曾在山陰住不謂山陰到此堂蒼苔翠竹汝所好
白石清泉吾故鄉禹穴有懷游太史鑑湖無復賜知章
張帆明日竟東下雨過西興樹影涼

題錢舜舉畫梨花

洛陽城西千樹雪走馬看花徧阡陌金鞭換酒為沉
爛醉花前扶不得粉香薰透詩人脾思入吳牋酒殘墨
別來風雨難為春客懷幾度孤清明壯遊回首已陳迹
一聲啼鳥心魂驚苕溪居士獲天趣造化潛移不知處
玉容寂寞淡春寒猶記香山舊時句羨君好古清有餘

勵志恥作黃金奴梅邊握手恨不早老眼半世空江湖
畫圖詩筆耀當代大嚼屠門意殊快更須什襲為珍藏
靜裏春光常自在

題畫蕙

一幹生數花春風折香玉持之贈所思幽人在空谷

題靈壁石

翠滑烟虛小洞天一辭泗水不知年君王半醉宣和殿
曾見驚塵落舞筵

題趙承旨墨竹

閨闈風來玉珮珊
洞庭秋入淚痕斑
至元朝士今誰在
翰墨風流滿世間

題趙承旨畫秋江聽雨圖和畫上所題蔡天啓詩

木落鴻飛九月天
前峰翠滑弄柔烟
鏡湖天與今華髮
秉燭尋幽不用眠

題唐子華畫秋江才子

林臯霜老紅初冷
岩畔烟虛翠欲消
記得山陰曾訪隱
一筇秋色度溪橋

題從子倫畫南山曉霽圖

少年曾帶南山勝
画舫笙歌日
來第二橋邊春水滿
曉晴芳樹散輕埃

題山谷咏馬詩帖後

道山書困下階立
曾見先朝十二閑
紫翠樓臺秋雨後
清時零落向人間

閨中詞寫寄

階前萱草可忘憂
底事王孫尚遠遊
却笑去年新種竹
錦棚已露竹根頭

物華生意隔湘簾睡起殘妝思更酣微笑竟穿花畔去
背人低語折宜男
四月新笋長五月萱草開日長深院靜獨自步蒼苔
烏夜啼寫寄

故宮芳草春日低高林漠漠烏夜啼烏啼不斷愁深闥
萬里封侯安足道玉顏如花夢中老東方欲曙鳥飛去
門外落花紅不掃

偶成三絕寫上就東匡廬山人

月華雲影漾中郊光曜紛紛動翠旂玉笛夜吹山石裂

有人騎鶴過三茅

放日輕霞破曉陰北窓徙倚聽龍吟先搖翡翠蓬山遠
浪擁玻璃貝闕深

青鳥當時養得馴碧梧露下覆清晨紗窓忽見秋如許
應有蛾眉憶遠人

寓題寄玉山

溪行何處是仙家谷口逢君日未斜隔岸雲深相借問
青松望極有桃花

玉山書畫樓口占

紅顏欲醉倚高樓
玉管聲中桂子秋
如此江山不歸去
冷雲風急卧扁舟

東坡帖云屈原有橘頌
吾將置田歸陽羨種橘
製亭當扁曰頌橘因賦詩于後

楚國大夫曾頌橘
眉山老子欲求田
荷衣千古秋風急
底用臨文更惘然

姚婁東往玉山因書以寄

相逢何事且徘徊
澤國桃花岸
開見說衡陽南去路
秋深無雁寄書來

春日偶成戲東玉山人

愛君談笑俱清絕
昨日相逢是幾回
春色不將塵事惱
杏花移得上窓來

姚婁東往武林和玉山韻以送

我欲從君馬首東
錢塘湖上看東風
六橋歌舞歡娛地
萬井樓臺深淡中

午日有感書寄

紅葵翠艾動千門
惟有蒼梧霧雨昏
離騷歌舞湘妃怨
宋玉如花合斷魂

索陽莊瓜

穀雨初乾可自由
荷鋤原上倦還休
醉迷芳草生春夢
誰識東陵是故侯

題釣月軒

談笑從吾樂
相過罷送迎
凭闌看月出
倚釣待雲生
蝶化人間夢
鷗尋海上盟
軒居總適意
何物更關情

至順初上嘗御奎章閣太禧使明理董阿中

書左丞趙世安大司農卿哈刺八兒侍上從
容詢求江南之士臣九思以韓性張翥應詔

上曰俟修皇朝經世大典畢卿至江南刊梓時
可親為朕召此二人者來試之館閣臣九思

再拜曰幸甚後有近臣自南使還者上問此

二人其人亦曰佳士上頗悅後竟因循遂隔

今舉事玉山思之泫然流涕玉山請詩以紀因

為四十字以寄二子云

二美人間少胡為滄海涯
文章聯壁貴聲譽九重知

宣室今無召丘園
謾有詩蒼梧雲鬢
回首淚空垂

題黃筌梅花山茶野禽圖

萼綠仙人白玉冠霞裙輝映碧雲團芳禽慣聽吹簫暖
僂徧春叢午睡闌

題趙昌畫牡丹鶉鴿

雕闌玉砌舊承恩輕吹凝香瑞靄溫宮女傳言妃子笑
笑看馴鴿出金盆

予舊為顧長卿作梅竹圖明年其弟仲瑛於姚
子章席上索題遂成口號云

晴雪禁梅蕊春風裊竹枝美人應失笑記得捲簾時

酬陸友仁城南雜詩十首

尺五城南瑞靄浮曾陪玉輅祀園丘太平禮樂逢昌運
親見嘉禾屢有秋

尺五城南神御殿雲籠金碧半天開羹牆每極終身慕
萬乘旌旗拂曉來

尺五城南老圃家牡丹如斗眩朝霞君王宴坐奎章閣
中使人間不買花

尺五城南暖始開柳林閱武振芳埃鶻起駕鸞天際落
侍臣廟獻鱣來

尺五城南憫忠閣平壤歸來有所思魏徵不作碑已仆

朝廷久乏諫諍姿

憫忠閣乃唐時建薦征高麗戰歿之士

尺五城南故國基武元皇帝有穹碑苔痕手剥推終始

載記他年備拾遺 金太祖也

尺五城南可壑田勢隨高下接平川十年沃野連千里

能減東吳漕運船

尺五城南古寺深燕臺陳迹貯黃金幾回獨立斜陽外

教盡歸鴉月滿林

尺五城南望帝都孤臣去國意躊躇篋中尚有忠臣疏

不是相如封禪書

尺五城南話往年粧臺明月媚華筵歡娛未了聞笳鼓

岐國雙娥鎖翠烟

粧臺者金章宗所築以貯李宸妃章宗嘗曰

二人土上坐宸妃應聲曰一月日邊明章宗

大悅我太祖皇帝伐金之初金宣宗嘗獻岐

國公主以請和故云

題宣和書畫博士李時雍畫渭川烟雨樹

近代何人能画竹只教熙寧文與蘇宣和復有李博士

亦作渭川烟雨圖中蕭蕭風景暮溪谷縈迴森竹樹

深林欲澹蒼翠來暗葉爭翻亂珠度石梁細路人家幽
生涯應比千戶侯老夫對此銷百憂坐覺滿堂生素秋
筆端未能工破墨直節曾移江上色先朝見之重嘆息
吁嗟儒雅成陳迹回首丹霄天地窄

寄題聽竹亭

送客題詩學楚歌君歸聽竹楚山阿蒼筤已覺逢秋勁
亂葉翻疑入夜多月滿瀟湘初鼓瑟風回閭闔舊鳴珂
秋藜作伴清心耳惆悵如今髮已皤

中秋醉後偶作

虞淵日沉群動息露點蒼苔鬼工泣纖塵不染堪輿清
秋水無痕湛晴碧初若照膽鏡飛上天一壁又如驪龍
珠跳出滄海窟冷光透體骨髓凝灑氣侵人毛髮立年
年中秋事行旅孤館殘燈滯他邑今歲居貧家此景頗
自適持杯向月墮酒舉酒長吞月隨入酒到胸中飛
火車月入詩腸冰汁眼花忽見仙人來笑語欣然若
相識長笛叫虛寒餘響裂岩石搔首於兩間今夕復何
夕雲中老桂飄古香樹影婆娑印蟾壁天風忽吹散人
月兩俱失玉山倒入無何鄉雄雞聲裏東方白

送倪仲剛遷淞西

我昔少年氣如鵬萬里看書趼
雙足歸來思得人中雄
捫虱高談破聾俗病餘此事便已廢
學向衡門守雌伏
倪君表、淞右來襟宇晚畧無纖埃
相逢一笑即傾倒
使我鬱塞怡然開鹽車久矣滯駟駟
熟路飄、簫雲起
丈夫有志在四方出處還應異諸子
離筵興濃每且艤
翠袖吳娃嫩如水清歌三疊動陽關
嫻、餘音碧雲裏
願君舉觴不留滴去、功名當努力
他時短棹為君任
把酒吳山捲晴碧晚風推出海門潮
醉挽雲濤洗相憶

高壽岩山水圖

老子胸吞幾雲夢
騰水殘山藏妙用
酒酣時把墨濡頭
收拾乾坤作清供
粉黛不寫兒女顏
禿兔掃盡江南山
孤峰拔地起千尺
凜、秀色撐虛寒
飛泉一道躍靈窟
古樹千株舞烟骨
小橋流水隔紅塵
中有幽人卧茅屋
衆竒百譎烏可名
筆力到處俱天成
王維久死喚莫起
此畫一出疑更生
世人飲食鮮知味
淡裡工夫屬三昧
屠門大嚼空垂涎
口不能言心自醉
蹇驢馱我春暮時
觀山仰面哦新詩
垂楊修竹夾古道
忽有桃杏橫纖枝

浴沂風軟搖輕袂雨過屏山滴烟翠
數家籬落近橫塘
牛背夕陽明遠霽悠然對景心無窮
真搜直欲收奇功
貪愛眼閑世界不知身落畫圖中

雪夜冰琴詩為鄧靜春賦

嶧陽孤桐堅如鐵石上蟠根飽風雪
何年雷電驅六丁
曾入深山取蛟螭礮礮擊碎餘孫枝
流落塵寰知幾劫
卓哉至寶斷斯器聲滿乾坤擅奇絕
雪光照夜三尺冰
落指飛泉響雲穴霜空湛碧來西風
老鶴孤鳴下天闕
余生兩耳獲親賞所恨黔驢惟技拙
小齋人靜月窺窓

占瓶水暖梅誇香拂衣再拜請君操
恍然挈我天遊鄉
是身非已有塊坐俄驚柳生肘九原
大叫伯牙醒
一洗雷同世間手

趙孝子歌

愁漠漠歌鳴哀鴻背雪鳴相呼中原
無書歲復宴有
父萬里身羈孤兒欲從之重回首闈
中有母有姑側
立乾坤行復止浩落日明江湖憶昔
方裸抱阿耶辭
家去倏忽三十年兒今壯已娶一朝
祖母死揮淚青衫
濕却辭老母踰江淮風沙何處收親
骨燕市逢先友迢

迢指濱州東去二千里城南亂處那可求呼天頓地淚
成血天地為之色慘冽結髮誓死不去此髮解冢開還
見碣兒能畏骨友如墓妻能守志終同穴君不見泣林
冬斲笋卧冰寒得魚古來純孝動天地我詩紀事誠非
虛壘書早暮旌其問

將進酒送九江方叔高南還

君不見瀟湘之浦蒼梧山虞舜南巡去不還當時揖讓
稱大聖但餘湘竹秋痕斑又不見汨羅江水杯碧玉屈
原憔悴江頭哭皇天何高地何深忠而被讒空放逐將

進酒君莫辭聖賢亦塵土不飲當何為桃華月暖歌聲
慶楊柳風輕舞袖垂况是驪駒促行役美人惜別低蛾
眉有肉如陵有酒如海今朝盡醉極歡娛莫待重來鬢
絲改黃金裝寶劍白玉飾琯弓將軍上馬意氣雄賦詩
橫梨踰江東

送陳玉林南還

謝安墩上新亭好玉斧鸞旌記舊游五采已瞻天子氣
六龍初起帝王州元戎談笑收京闕阿閣論思侍冕旒
歸卧滄江今白髮鼎湖雲斷使人愁

龍去亭空思惘然
道人和淚話當年
珠宮錫號開三島
金榜承恩自九天
花落御床露宿霧
苔輦路濕蒼烟
春來怕渡秦淮水
處青林啼杜鵑

送陳孟賓歸九江省親

籍甚聲華翰墨場
白雲飛屐思淒涼
濫分七略陪天祿
因識諸儒載奉常
遊客久瞻金闕近
歸舟貪看錦屏張
太平天子行封禪
莫滯周南歲月長

送趙編脩使秦蜀代祠嶽瀆

嶽瀆由來崇祀典
歲遣使官達精禋
談經暫辭白虎殿

持節非致碧雞神
錦綉秦川懷往日
兵戎蜀道嗟遺民
數福蒼生待歸奏
未央前席進儒臣

和東坡夢中作及訪營妓六詩

山中見鹿拾蕉葉
眼底生花二月明
不道人生俱夢裡
新詩猶話夢中情

綠窓度曲初含笑
銀甲彈箏不露尖
人生莫待頭如雪
華屋春宵酒屢添

桃花扇底露唇紅
無復梳粧與衆同
一曲山香春意動
茶蘼無語謝東風

一顆摩尼不染塵
瑤池玄圃度千春
寥陽殿裏雲深處
誰是當時解佩人
三月旌旗幸玉泉
牙樯錦纜御清船
千官車騎如雲擁
楊柳梢頭月色娟
鼓瑟湘靈欲斷魂
洞庭風浪不堪聞
遙知舊賜文窓錦
兩袖龍鍾總淚痕

題雪泉

山中積雪清如許
况是石磯臨碧湍
好似瑤池歸較晚
九霄騎鶴不禁寒

雪裏寒泉噴薜蘿
幽人於此可高歌
驪山底事融陰火
却與三郎浴翠娥

寒梅幾樹近山堂
映雪臨流正吐芳
汲得泉歸和雪煮
地爐茶熟帶清香

偶成

蜀江西來春水平
洲渚縈迴春日明
江頭女兒唱歌去
風送楊花迷遠情

有所思

雲帆何處是天涯
遠海茫茫不見家
况是園林春已暮

有誰明日主殘花

初夏即事

綠楊嫋々雨初晴浴罷蘭湯尚宿醒
簾捲流蘇通乳燕薰風樓閣看生成

山館

山館無人日々開岩深林密曉猿哀
移文恐到人間世羸馬春風獨自來

記夢

月色如銀滿碧空扶搖九萬踏西風
夢魂不解寒生粟

直與秋毫挂影中

送澤天泉上人

湖外三天竺溪邊九里松禪心秋寺月
詩思晚林鐘聲已名無敵走郎說有宗
京華同惜別澤國幾時逢

玉山雅集卷之二

陳旅

字衆仲莆田人書無不讀以館閣薦辟由國子助教起

家仕至翰林應奉與虞范齊名後至元己卯歲與陳

君敬初北上予往餞於閭闔門因得一見所刊詩皆

得之敬初云

與陳敬初同舟北游題餞行卷後

我愛天台陳敬初少日辭家即遠圖上書擬獻賈生策

入關便弄終軍繻八月官河秋水大三江親舍暮雲孤

名成歸去歲未晚卜鄰有約依東吳
送鄧文質

薊門風雪貂裘散寒橐能多季子金
萬里壯遊孤硯在
十年歸夢亂山深春來草色生南浦
日暖鶯聲滿上林
空澗亭前看流水浮榮何足累初心

寄張起原

京華有客與我好論子文章得古音
九月扁舟度淮水
尊高館共秋陰篔簹繞舍江風細
薜荔穿墻石雨深
別後相思令人瘦書來字字敵南金

送宋太監海上祝天妃

漢皇曾作磻氏觀遣使或祭碧雞神
吾君無為守至
正群祀輯福錫庶民侍臣捧
詔丹霄上神女吹簫紫
海濱明年萬舸載吳朱
尤風小波翻

我家田舍近湄州簫鼓聲傳水廟秋
三年不歸鄉黨念
萬里欲逐使君游
貝宮月白冰夷舞
蜃市霜晴瘴雨收
竣事歸來春酒熟
煖風飛絮滿皇州

方叔高廬山木齋

山中種木圍書閣無教好枝生
屋頭白浪吹雲湖艇晚

青林含雨石窓秋賦詩當似韓宣子作器定從樊敬侯
更愛小亭蕪竹裡竹根洗硯細泉流

送王致道代祠北岳北海濟瀆南鎮

皇帝齋明守鎮圭祠宮奉節出金闈北尋海瀆瞻恒岳
南涉江淮上會稽山下靈風吹桂權雲邊仙樹拂丹梯
王褒空有甘泉頌投老還鄉祀碧雞

王氏竹石圖

老人雲錦溪邊住繞屋自種青珊瑚月明池露散林綵
春深雨苔生石膚短籬偏護籜龍子高樹並宿苞鳳雛

人生何用丹陽尹沙曲涼陰雙玉壺

熊雲巢竹石圖

道人種竹三千个定有新巢宿鳳皇石上幽香飄露粉
簷間新綠裊風篁天壇月白瑤笙近水國春寒翠袖長
見說故人東海上釣竿日暮倚扶桑

送毛真人南還

真人不似壺丘子老去都忘杜德機左乙象文從虎守
尚方鳧舄背人飛岩扉暖翠侵緗帙江浦晴霞上羽衣
游子故園春似海客窓長日聽催歸

壽虞先生

衡山道士駐飛車，手載儒家出相家。
月下華星垂五色，人間珠樹吐三花。
芝田養鶴春凝乳，菴谷聽鶯曉賜霞。
朝退日長賓客醉，翠房文火伏丹砂。

送趙子期使交趾

曉日承恩紫殿深，都門祖道馬駸駸。
上書不奏唐蒙策，歸橐寧將陸賈金。
露入珠槃鮫室白，苔生銅柱象犀陰。
為君臨水歌黃鵠，天北天南萬里心。

壽吳宗師

九朝冠珮奉階平，國有仙儒作上卿。
碧海霄晴扶日出，黃庭春暖看雲生。
竹間自洗金鸞蕊，花外長留翠鳳旌。
莫學華陽貞白老，乞身神武聽吹笙。

送胡士則袁州巡檢

皇朝大典初成日，烏帽承恩出殿除。
便製短衣學馳馬，不彈長鈇嘆無魚。
白雲親舍秋楓合，黃浦征帆暮雨踈。
堪笑子雲宮落拓，賦成猶說似相如。

木齋卷

昔年種樹不勝巢，老幹今如屋脊高。
屢許徂公分橡栗。

時呼木客醉松醪
衣中白日露蒼雪
枕簟西風夢海濤
歲晚淹留吾倦矣
借君叢桂讀離騷

題高氏所藏畫

誰家林麓近溪灣
高樹扶疎出石間
落葉盡隨溪雨去
只留秋色滿空山

寄陳克謙

京華游子總能文
別後令人只夢君
何處相逢更相憶
江南春水白於雲

書家夫人手寫法華經後

綺窓夢冷玉蟾澌
憶母應知母憶時
曾是雲中散花手
靜飄香雨入烏絲

緡溪道士

緡雲溪上緡雲山
春水流出桃花灣
白頭道士鶴為馬
月明騎過句庸關

趙松雪人馬圖

蒲萄宮前白面馬
春日賜與近臣歸
主人受馬不換妾
更與小奴裁綠衣

桃花幽禽圖

金塘灩灩，映春紅枝上。幽禽弄暖風，莫把殘英都蹴盡。
無情流水，畫橋東。

隋家宮妓，掃長蛾，銷盡波斯百斛螺。化作雪禽，春樹頂
遠山無數，奈愁何。

為彭道士賦鶴峯

在信城南

跨鶴臺高倚翠微，昔人城郭是耶非。藥珠宮館如秋水，
有客吹笙月下歸。

風竹圖

湘江風捲白頭波，北渚雲深帝子過。欲采瑤芳渡江去，
翠衫輕薄晚寒多。

錢舜舉畫木芙蓉

蜀人共說成都好，三四十里生綵霞。何似白蘋洲渚上，
九秋丹露結成花。

秋山行客圖

雨餘空翠曉濛濛，有客騎驢落木中。滿目好山行不盡，
溪猿啼斷石楠風。

崇真宮分題李學士墨畫嫩竹

楚雨初晴野水生
新篁落粉鷓鴣鳴
洞庭春去湘娥老
綠嶺人吹紫玉笙

題驄馬圖

大宛蒲萄滿田野
天馬盡作蒲萄青
橫門道遠好馳逐
日斜秋影卧閑庭

題水仙花

莫信陳王賦洛神
凌風那得更生塵
水香露影空清處
留得當年解佩人

北席里石氏節婦

北里高樓晝掩扉
水銅光冷上苔衣
寸心誓比南山石
秋水秋風雁不飛

龐氏遺安堂

仲宣故宅生秋草
千古高風愧鹿門
誰作小堂巢翡翠
依稀水竹峴南村

贈萊州石工

落星猶帶天河濕
絕勝丹丘鬼血腥
琢得大尊休載酒
萊山拍露照人青

題楊氏所藏畫

山光濃淡雨初晴，曲曲江清樹色明。
若買草堂江上任，盡開窓戶看雲生。

秋江釣艇圖
石岸能高野水落，江日未墮霜楓明。
無人喚取玄真子，船尾秋風日日生。

送陳司丞

鹽人舊考周官政，禹策今行管氏書。
十月甬東風日好，海田收稻打長魚。

建昌胡氏小有樓

窈窕麻姑宅，登臨憶謝公。
近聞好山色，都在小樓中。
屋簷丹霞吐，城深翠雨通。
石池正當戶，人立藕花風。

鄭德和所藏山水圖

歷歷清江曲，童童綠樹堆。
林喧春瀑壯，雲斷晚山來。
游子還鄉去，小窓臨水開。
更從野橋外，隨意步幽苔。

送賣藥道士還天台

不學東方朔，歸尋馬子微。
人間無藥賣，海上有雲飛。
谷煖金鸞大，溪深土鴨肥。
當年種桃樹，高過石樓扉。

分題得山上泉送良上人

仲春山木潤幽磴落風泉
歸雲散天外積雨在嵒邊
度竹瑤琴冷觸石冰花妍
細流通夕沼趺坐對青蓮

送謝仲連為小鹿巡檢

小鹿謝將軍前朝宰相孫
故家已為庶今代得承恩
船鼓鳴沙月旌旗樹海曠
送行車幾兩回首濯龍門

萱州圖

朱萱吐晴日上有胡蝶
嗔感此芳意多離憂轉難忘

玉簪花圖

縣圃種石子幽庭茁瑤肪
受以芙蓉冠綠髮風露涼

送葉天根南還

賦識天根子于今二十年
吹簫來翠嶺鼓柷入丹淵
日出扶桑底雲生建木巔
人間方夜半海上得春先
老我江湖迫微官歲月遷
荒泉流竹里冷雨浸芝田
髮短何為者君歸重惘然
飛霞浮夕景定在石林邊

賦雲錦溪

綠水生春渚丹花集陽林
愛此雲錦好蘭舟轉溪深
賀監謝軒冕載酒過山陰
遙聞櫂歌發縹緲不可尋
日出瀛海上照見仙人宮
仙人看雲處空翠滿樓中
曠

懷慕冲賞俯首慙孤踪吹簫薊門月一夜思江東
為熊道士賦雲巢

吾聞巢居子乃在白雲間手執天地戶乘風時往還下
民敢余侮若族寧爾于更有鶴為馬養在松樹端

郊居

郊居息塵事日夕望青山青山秋氣多白雲出其間露
渚野芳集楓林江色寒夷猶感流序况乃曠幽攀

次韻答都下友人

百金買駿馬千金買紅粧長安画樓上飲酒吹笙簧天

天園中桃斝、陌上桑美人越山下白髮生雕房

際風振高梧紫露集幽菊攬衣起徘徊殘月照我屋曾
襟鬱孤清日、塵眯目銀河在天上手短不可掬

次韻阮秀才游閩中古寺

病起秋水上升生已蹉跎采、汀洲蘭懷人在巖阿冲
賞渺難有夏思恒苦多閩王昔行樂車馬集陽陂金尊
醉白日翠帳宿妖歌繁華不可恃塔廟開曾莎事往竟
淪寂撫迹悲前謠山深赤豹車曲蓋張青荷壯遊忽千
載千載當奈何

趙逢原靖康間失母三十年得之瀘南其孫求
詩

母子不相見飄零三十年飛雲散九野瀘水流
川盡東注飛雪散還聚無情會相逢而况子求母
淒涼
汴中宅池臺翳荒榛峽船載華髮鼓柁江南春
作堂種
萱草萱草日已好淮上已罷兵江南可娛老

杜妻董氏貞節無子誓守夫墓

裡曲有好花盈、映春水芳月忽已晏好花難結子年
年寒食時花落水邊狂風吹不去盡作墓上土白頭

不偕老千古獨懷抱獨伶墓中人羨殺杜有道

● 車搖、送方叔高

車搖、薊門路高麗驕馬不受鞭方郎得官上車去薊
門南頭瀘水流燕姬十五居酒樓彈箏唱歌折楊柳落
日車前勸卽酒南陌行人往復來幾人得官似卽回卽
車莫驅傷馬足車中本載連城玉車搖、卽子洲賣車
買船載旗鼓晴湖風輕還權謳

趙侯敬叔有古鏡瑩絕背若玄玉象物詭奇相
傳鄭夾漈故物也按博古圖是為漢海獸蒲萄

鏡

尚方老治收精銅金膏玉水開腫朧未央曉月低青桐
六宮秋井生芙蓉當塗妖鬼負神器銅人登車數行淚
寶奩偶落長安市來與人間照珠翠凝陰空祭江心龍
海雨夜入閩王宮一朝愁殺滌上翁破屋日夜穿晴虹
西宛野露堪作酒中有駟駘活欲走趙侯得之莫失手
龍女鮫童伺之久

和蕭秀才歌風臺

歌風臺前野水長王媪賣酒茅屋涼道邊父老說劉季

頭戴竹冠還故鄉山河霸氣已銷歌颯老柳吹斜陽
臺前小兒更擊筑聲更似三侯章

趙紹隆倦綉圖

龍綃碧幙挂秋水藕風吹香團扇底琵琶彈歇宮書長
釵落雲邊九雛紫兩姝誰是薛靈芸人去繡窓春共倚
夢回涼館催功裘露濕銀床響桐子

明妃出塞圖

昭君北嫁呼韓國巫山更有昭君村黃金鑊鞍玉駝馬
分明載得巫山雲涼風吹動釵頭燕莫把琵琶寫幽怨

沙草遙連雞鹿塞野花不種此央殿內家日選娉婷
淚痕滿袖空多情漢廷自此恩信重美人身比鴻毛輕

胡氏殺虎圖

沙河夜黑秋風颯襄陽戍卒車載弩道傍老虎夕未晡
車中健婦不見夫倉皇下車持虎足呼兒授刀割其腹
夫骨已斷不可續泣與孤兒餐虎肉

豫章紫極宮太古樓

誰云仙人好樓居仙人結屋在太虛夜深河影動窓牖
日暮雲氣浮江湖人生萬劫同天地倚闌無限太古意

麻姑歸去海復深秋風吹老人間世嗟余好古空讀書
所見無過數千歲明年江雨未開船聽說葛天無懷以
前事

題扁舟五湖圖

按史記止言陶朱公將徒屬浮海而已載西施事
杜牧輩乃誣也故為之辭
美里人去暫女來帝辛飲酒沙丘臺酒闌不但天智燬
小白旗竿血花紫會稽凜吳日驕少伯乃是師閔天
姑蘇城下箭如雨艷骨應成館娃土五湖烟浪搖青春

小兒船尾中細君吾主功成境土富扁舟只載妻孥去
良工貌得千古心寓形空爾縻黃金
登高丘而遠望見江上之楓林放予舟兮澧浦何天高
而水深

送澤天泉上人

湖上青山天竺寺山僧行處石苔肥秋岩風落嫦娥樹
古殿寒生大士衣我欲抱琴松下去師今飛錫雁前歸
經臺百尺花如雨應有新吟滿夕暉

吳宗師赤城阻雨次甘泉韻

二十六盤啼杜鵑杜鵑啼盡到平川千山白雨作秋氣
六月赤城堪晝眠銀渚星槎留使客竹宮風帳候神仙
衰予病起橋門下目送晴雲度楚天

貢院中聞大駕先還次蘇伯脩韻

甘泉宴罷雁聲寒桂樹吹香出寶闌翠輦遙臨秋海淨
霓旌高拂曙星殘壇城家拜銀麈賜棘院人爭繡虎看
堪笑子雲能作賦獨騎羸馬後奚官

題瀟湘八景圖

軒后不張樂白月照野水冷々水影中瑤瑟泣湘鬼

右洞庭秋月

西崦生夕霏歸僧在林巖但覺山路長不覺鐘聲遠

右烟寺晚鐘

百貨集求市莫徭偏買鹽山月出未高翠雨濕酒帘

右山寺晴嵐

倦翮久欲下涼風起湖北官客多挾弓莫近白沙驛

右平沙落雁

落日楚江深倒景在高樹晒網茅屋頭分魚石梁步

右漁村夕照

南浦草仍碧高樓日易斜歸帆傍水廟簫鼓下神鴉

右遠浦帆歸

江氣行暮雲忽失巴陵樹一夕洞庭波都向蓬上注

右瀟湘夜雨

寒雲不成雨暝色凝江楓巫峽梨花夢飄浮過郢中

右江天暮雪

陳雲嶠太祝以母夫人壽日出紅玉觥觴客

有翰林應奉陳旅即席為賦一詩

崑崙東阿涵海石中有石子如日赤神工夜發昆吾刀
刻作深杯盛酒喫却憶瑤池緜母家露下滴如芙蓉花
廣陵公子酒如海年々春色襯朝霞

蘇伯脩往東京王君寔以高麗笠贈之且有詩
伯脩徵和因述往歲追從之興今茲睽携之嘆

云爾

往年飲馬灤河秋灤水斜抱石城流青城文人來水上
搗謝蘇王皆與游願余濫倚橋門席日斜去坐鰲峰石
夜深共飲明日尊醉眠更聽高樓笛灤河九曲流濺

自我不見今三年蘇郎又扈屬車去佇望弗及心茫然

龍門峽中雲氣濕山雨定洒高麗笠別意遙恰柳色深
歸心莫為鶻聲急不才未許收詞垣賦成何日奏甘泉

人言凡骨難變化為我致意青城仙

小混沌魚復浦中石方氏得之和令名

大園縣儵含清淨忽倏多事中央死玄精散作萬里縈
天參^椽不堪參墮尾日化七十皇有虺蜀雷難苴狗村委

殺妖壺涿驚弗毀刻々靈光照寒泥老龍乘磧用師紀
俾作魚麗陣中士風雲往來江落水虎臂灘回玉生子

紺文素肌温栗理方叔登崇木為趾罽蒙錯綺鑄髻篚
閉門乍觀貪禱烏手混沌乃若此吾終乞之還汝始

哭陳元麟

阿麟能讀書八歲貢京國翱翔公卿間聲譽頗籍我
家越山南汝家越山北及我官橋門見汝長五尺翩
丹穴雛五采作毛翮昆侖有瑤樹上有寔可食汝胡不
此留而去不可即乃翁携汝來為汝頭盡白辛苦携骨

端江離黯愁夕可伶東門吳任達乃強釋

李孝光

字季和永嘉人詩文自成一家為東南碩儒戊子春

過婁江回憩草堂繼即應召秘監著作故其述作

不多得今所刊錄皆口授云

箕山操

箕山之陽兮其木琴琴箕山之冢兮白雲幽々彼世之
人兮孰能遺我以憂雖欲從我兮其路無由朝有人兮
來飲其牛

沂有梁

沂有梁維鯉維鮪沂之兩厓兮有棗樹桑居沂之人兮
寬裕而善良古之人兮翱翔予其歸老兮沂之南東

餅有粟

餅有粟兮孰云吾瘦居有官兮孰笑予陋御冬有褐兮
又烏用手文繡人予哀兮莫予知入事父與母兮出從
仲尼謂蠅蝓兮無冒我戶吾嘯歌兮其下

蓮葉何田

蓮葉何田、宛在水中央別離不足念亦復可憐生蓮
葉何田、見葉不見水貧賤貧賤交富貴富貴友花生

滿洲渚不復葉田、持身許人易持心許人難

衡門有一士

衡門有一士閉門恒苦飢俯仰良自惜日晏猶弦歌小
人未足畏君子或見之寧為蘭玉摧不為蕭艾滋

釣魚

上山而嘯兮下而釣魚豈如他人兮唯富貴之求三執
樞兮念子之多才將子歸輔兮誰繫駒功成而歸兮來
從予遊

題周耕雲為蕭元泰畫龍虎仙岩圖

龍虎之山仙所寰我昔夢寐遊其間乾坤風氣結冲秀
中有正一玄都壇羽人授我九節杖林磴窈窕窮幽扳
金宮蓋殿起寥廓翠屋丹巘深迴環峯頭時飄白蕊苔
石上誰種青琅玕諸岩一覽二十四總似瀛渚蓬萊山
清溪浮空引雪練遠岫隔水來烟鬟就中仙岩更奇絕
上有玉樹皆團欒虹光半夜出林杪云是石室韜神丹
欲求刀圭已衰疾羽人去我如飛翰褰裳澗曲來芳杜
新緩踈雨春山寒覺來俗事日滿眼歲月冉冉隨驚湍
會稽蕭君忽相訪笑以此圖令我看夢中羽人貌真似

而我別後鬢毛斑題詩聊復記疇昔願拂塵服高駉鸞

海谷

歸虛谷在渤海東八紘之水注其中不盈不縮浩無際
吞吐日月涵空濛靈鼇於此負山出上有縹緲金銀宮
人間相去幾萬里弱水滿眼多迴風琴高來時踏赤鯉
少靈歸來乘白鴻秦皇到老不得渡嗟我欲往將焉從
子房有孫海谷子告我有路非難通只隨雲氣相上下
與子共謁扶桑公

道人射獵圖

美人貂帽玉駝馬誰共從之臂鷹者沙寒草白天雨霜
落日馳獵遼城下塞南健婦方把鋤丈夫戍邊官索租

君乘馬送彭元亮

君乘馬兮予追于丘君乘舟兮予望于沙遠而不見兮
涉江與淮豈無人兮予望予之所思鴻鵠高飛兮孰知
其志道之將行兮又將焉求

折梅

短棹扁舟泊釣臺寒梅一樹倚雲開折花非為添題品
要看春從何處來

寄達兼善

城頭烏啼欲閉門蕭蕭風雨又黃昏無端画角連雲起
鉄鑄梅花六斷魂

寄薩天錫

月子纖纖青海頭使君昨夜過揚州城中高結瓊花樣
去聽吹簫何處樓

二月江城未見花笛聲哀怨起誰家曲中大半傷離別
馬上無人寫琵琶

寄朱希顏

城頭鼓鼙雨淒淒，溪子牽船上惡溪。會有行人回首處，
兩邊楓樹郭公啼。

江邊鴻雁下年，客子何由兩鬢玄。七十二灘秋月白，
荻花風落釣魚船。

過王貞婦廟

山下江流幸自清，山頭明月已無情。此心若愧王貞節，
莫向清風嶺上行。

題梅卷

北風吹倒山三日，雪塞門暗，岩谷裡萬木命在根。天

翁粲然笑洗出明月，魂春如鼎中香已覺，火力温。

茅山謠

道人兩鬢青如蓮，大醉上山捫青天。青天蕩，玉盤出
引手舉盤天上懸，銀河傾倒挂影樹。長風吹香落丹井，
地上小兒露玉馥，白兔急搗玄霜熟。悟，仙家十二樓
夜半起拂跋烏浴，手招茅君叫列仙。帶劍上天去，
道士乞我明霞篇。

江山圖

元氣菌蠢生蛟龍，銀河倒插金芙蓉。九疑正在九州外，

碧樹峭、連丹楓。上有萬古不死之明月，下有掀天巨浪之長風。有客有客，陸龜蒙往來江南，成老翁。天地無家，屢回首，放船去。踏江上之青峰，船頭十日懸青雨。風拔銀山，映東戶。山隨沒，鷓落中原，水作巴蛇走。全楚向來英雄定，黃土空遺絹素流。今古天地一合，如金甌萬歲千秋奉明主。

送林彥清

有客新自東方來，瞳子如丹無塵埃。言昔東見容成君，接上軒轅張樂之層臺。手捫青天冷至骨，白榆列宿何

崔嵬軒轅仙成去已久，皆騎威鳳追龍媒。珠襦鳴佩隔風雨，天門朗晁相當開。仙家玉女少愁思，踏雲双吹紫雲迴。君嘗教我三洗髓，已覺靈氣生根芽。我時坐客桂樹下，縱之使言手拄頰。客似師，橫差短耳眼似恨，小鬢鬢鬢不見橫。君二十年眼中見子吾，已衰却憶相携入雁谷。山中二月如天台，風吹桃花行水面，大笑酌我紫瓊杯。客今好遊自不惡，名山往來多奇才。倘逢俗子莫與語，世貴瓦缶輕尊壘。每行江中慎濯足，磯下乃有鼈與能。更莫燃犀照水恠，自倚善幻驅霆雷。望見九華足

雲氣一上絕頂窺蓬萊

送姚子章慶元帥府掾

東方幕府才華盛，值世承平息虎貔。
陳琳何煩工章檄，退之莫倚愛題詩。
海靜蛟鼉怕鐘鼓，天清蠻蜚識旌旗。
前日元戎為飲酒，深衣寬博錦紳垂。

秦文仲饋松肪酒，且有詩云：松肪之酒可却老。

長年便好築糟丘，急須為我浮太白。看到月生

東海頭，予得之甚喜。僮子謂我少開嘗，適郭熙

仲瞿惠夫陸良貴莊蒙泉至，皆飲一卮。因和此

詩以寄使追理也

歲晏不聊承饋酒，美如神女會圓丘。微聞芳澤成烏有，

三嗅馨香笑白頭

雪夜三首

南土人喧又無雨，今年春雪沒行車。夜深戶下如月白，

自起開窓讀漢書

一舸真成貫月槎，乘風徑去渡銀河。人間不用走機石，

但覓天孫織錦梭

野無行人鴻雁靜，獨留孤月挂船窓。舟人苦道河流急，

雪後巢湖水入江

送魯公還秦南二首

錦衣樹纛向秦川有客將雛獨黯然日食猶分丞相餅
傳呼自愧孝廉船春風過雁青天外暮雨行人積水邊
應到清湘聞款乃楚人此曲至今傳
丞相樓船上西蜀從行千里至池陽江中雲氣如蚊屋
石上吹簫雜鳳凰敢狂吟驚坐客猶將短髮照滄浪
高歌白雪無人和可借東來明月光

送陳玉林歸集慶永壽宮

天繞龍宮日月低六龍曾駐冶城西祠光午夜入牛斗
聖氣千年成虹霓承恩已報紫旌節奉使屢上黃金
闈神媿靈宮守桂樹銀榜碧鏤自天題

飲濡須守子衡君宅二首

客子東來向西楚河流兀兀舞輕舸雪消巢縣青山出
雨後焦湖春水高賴有使君持玉節未須故舊問緜袍
眼中賀監文章伯又使時人見鳳毛
連山大澤風氣異都會當時人物繁黃金誰能鑄鍾子
買絲六欲繡平原乃在淮西數千里更憶溪南十畝園

太守好文還愛客每聞下榻似陳蕃

送公子去疾二首

縣、萬里道利涉有方舟城郭通吳會江源起益州圖
經聞白帝祠祭過黃牛他日浣花宅猶能作勝游
辭吳向三楚送遠指秦川高雁憂離罟輕漚不避船天
青微露下江黑大星懸郢曲長多怨聞歌祇自怜

十五夜泊舟牛渚磯

采石不見李太白騎龍上天吹紫笙天上甚樂苦無酒
東游十二白玉城蛾眉亭下明月出牛渚磯頭春水生

一鶴西飛向何處惟聞萬壑松風聲

舟中為人題青山白雲圖

江氣鼎鬪如蛟龍曉風吹落金夫容神女凌波洗雲去
暮為行雨陽臺東朝來白雲散白石小姑蛾眉翠欲滴
老蛟化作百歲翁彭郎磯頭夜吹笛

正月十四夜宿東州

旅食荆吳改歲年春風遠道思縣、青山故繞周瑜墓
明月猶窺亞父泉楚縣城荒惟畫角巢湖日落有歸船
天涯芳草萋、綠想見登樓憶仲宣

十六日弛擔廬州城西長安寺

廬州夜宿長安寺統城頭鼓正嚴獨立春風猶問馬
愛看明月自鉤簾從人勸酒拈浮蟻有客哦詩擬撒鹽
幸得梅花照殘夜未妨長嘯倚東檐

次神字韻錄呈達兼善

淨洗煩冤六合新清晨沙路絕囂塵大山自古興雲雨
淫祀何勞走鬼神淝水急流舟欲起深湖浮黛画初勻
客游甚憶魚羹飯歸到江南及暮春

橘隱為秦周卿題

后皇為產凌冬質綠葉素榮春更繁銅爵風高懷越士
玉祥霜潤出梁園賜歸遺母恩光厚樹比封君貨殖尊
皓首騎龍誰得似罷棋猶悔未深根

擬妾薄命

妾薄命當語誰身年二八為嬌兒阿婆歲不嫁女歲
復一歲顏色衰天公兩手搏日月下燭百物無偏私奈
何醜女得好配一生長在黃金閨美人如花不嫁人父
母已歿諸兄疑寄書東家小姑道得嫁莫擇君婿好他
人好惡那得知失時不嫁令人老

次韻王彥強見懷

美人住在雲門西望到每朝烏欲栖近報綵舟來候我
寄將錦字是親題荷花日落江相映芳草春深路轉迷
更恰把燭裁詩夜還夢城南舊玉啼

賦得越山越水

賀家湖裏又秋風放翁宅前湖水東兩邊雲樹忽遠近
十里荷花能白紅行人濯足銀河上越女梳頭青鏡中
我欲張帆上南斗扶桑碧海與天通
南有會稽山作縣春將紫黛染晴曛鏡湖鳥度涵青影

石龍歸洗白雲

次薩天錫登石頭城

西州門外石頭寺共說英雄綠髻凋王氣黃旗千歲盡
山聲廣樂六時朝白鼉裘壞理珠柙玉燕釵飛墜藻翹
重到謝家携妓處維舟寂寞聽春潮

代人送友

別離未是尋常事要見丈夫兒女情太傅中年猶作惡
阿蒙三日即知名北風鴻雁天籠野落日牛羊路繞城

我亦平生四方願先生未可辦歸耕

寄趙尊師

獨宿能空雞鶩群仙階還許世人聞題詩未倚李太白
學道願從茅長君白鹿隨車繞山木丹砂出鼎染溪雲
先生少留亦不惡共讀華陽九錫文

四皓圖

帝憂母主重廢嫡人料子房宜與謀盟詎不虞高后劫
早辭翻為建成籌腹心已去悲歌起羽翼雖成女禍留
俱墮術中曾不寤先生輕出後人羞

次伯雨韻

佳士望見知耐久俗子定交心已踈中林有客賦招隱
後日何人問遂初達官不入禰衡刺逸史會給陳農車
我見彌明大玩世自言不解人間書

同薩天錫鳳皇臺

鳳皇高飛橫四海錦袍猶賦鳳皇游天隨沒鵲低秦樹
江學巴蛇入楚流動業何如飲名酒衣冠未省識神州
天涯芳草萋綠王粲歸來更倚樓

送劉好古歸武昌

游子結束向何處城中雪花幾尺圍去家萬里多夢見
辭親五年今始歸道士吹簫赤壁下行人泊舟白鶴磯
我亦張帆拂南斗卧看明月去如飛

用馬中丞韻送志能賀冬之京師

停酒更唱車遙官船打鼓回春潮鳳曹合引金闈彥
駟馬尚隨方蓋輶五日樂成黃道正萬年觴進紫宸朝
清班陪謁三雲殿仙伯神官手屢招

次仲舉韻送亨上人

垂簾笠子上吳船去過揚瀾浪蹴天狂客還尋破蠹錄

清童解識野狐禪江來全蜀如衣帶雨破中原見岳蓮
唯有天邊舊時月還隨老子發殘年

次王彥謙韻

昇州逆旅竟何物安識人間有子房東野英年空說劍
臨邛當日亦求凰魚生春水桃初雨雉沒南原草欲香
寄語歸來獲燕子烏衣巷口又斜陽

喜聞開經筵口號

封事如蠶照綠函九關虎豹靜耽天垂赤縣神州外
地入黃旗紫蓋南

明主御龍當位五重臣錫馬報恩三喜聞經幄延黃髮
致主唐虞政不慙

次薩天錫韻

江上楊柳又青々雙檣復作鷓鴣鳴中流擊楫渡江去
夜半啼雞非惡聲

病起用伯循御史韵

何言痛飲是吾師病覆壺觴亦廢詩客久自應甘寂寞

獨怜風雨打窓時

病起無聊帶減圍看花驚有未開枝主家十二樓中見

爛熳春風只自知

題王士讓御史所藏画

天昏地黑蛟龍惡風雨如山孽不開舟中自有刺蛟手
笑殺舟師振舵回

山上荒祠山下溪擊牲斷石是誰題落日行人重回首
看楓樹裏鷓鴣啼

送人兼簡丁仲容

忽憶龍河水西寺兩株桂樹繞千迴若見阿蘇煩借問
汝爺何日溯東來

寶林寺東春木森寶林寺西春水深老夫清晨睡起早
買舟送子出山陰

題竹

翠袖臨風一悵然雨餘艸木亦娟娟東頭夜半明月出
照見蛟龍石上眠

九日登應天塔

寶林寺裏應天塔老子題詩最上頭九日登高望南北

青天只尺是神州

柳橋漁唱

楊柳橋頭楊柳青西邊即是越王城
中大官聽艷曲

半是美人腸斷聲

送人

江上晚山無教青行人艸似流萍水邊燈火官船發

五十長亭第一亭

華山圖

山頭夢覺三千年大笑騎驢踏紫烟後世兒孫盡仙骨
斷除烟火學神仙

次韻薩天錫雜詩

題門人至從書鳳寫字誰伶可博鸞獨露亭中未歸客
懶聞成癖奈詩何

吳姝彈箏向秋月錦韞褱恨覓題詩東隣醜婦持門戶
不願蛾眉映瓠犀

烏衣更無王謝宅青山好在仲宣樓南堂明月無人管
清簾踈簾夜々秋

秋來野水亦已落行過女墻悲古苔西日政見鵬鷃起
北風頻兼鴻雁來

祠宇觀登樓

先生長出問丹砂去入何宮道士家不是山南即山北
歎門先覓看黃花

祠宇觀前斲茯苓偶登高閣眼為青西南到江三百里
只此案頭双硯屏

過留侯廟

感慨留侯廟曾聞客下邳手扶仁義主身是帝王師興
漢功居最存韓志可悲如何劫高后反使卯金危

次薩天錫韻題塔寺壁

平生謝太傅勝日得重臨地勢吞吳盡江流入楚深金

湯非舊國棟宇尚青林野露漙黃菊獨為游子吟

寄勞子彥明自吳歸

去及花時暖歸逢暑雨沾樹涼人憩午江熱馬行鹽不
畏黃金盡祇愁白髮添君看雙燕子隨意入人簾

次天錫題暢魯伯幽居

淮水清瀾好山多近村市收僧乞米舟艤客過門燈
火隣家夕風沙灤水昏卜居諳土俗野老舊能言

靈隱十詠

靈隱寺

南州縣西極大山樹崇關經營緬齊梁宏麗自吳越玉

水生虹蜺金樞孕初月稍高得縱觀川流淨如髮

冷泉亭

寒漪亂方折倒景盪承宇濫觴側江海盈縮寒暑下
土方早曠神物閉霖雨水上有佳人不得與之語

蓮花峰

恠石蟠厚地神功謝琢飾水深玉井凍風多日車側空
聞涉江詠尚見嘉樹惜匪石有遺誠我心不可易

飛來峰

石室藏素媛丹穴養玄鷲刻畫鬼力窮疏鑿禹功舊貝
葉多出魚璞玉泯螭紐棟宇何王作後人遂奔走

呼猿洞

猿靜不自操栖宿有常處朝飲既在澗暮止或在樹冥
冥青楓林上有飛鳥路思爾不可見去隱南山霧

鍊丹井

人生百年期乃欲散金石鬼神守大丹龍虎沍玄液寒
泉夕已凍繁露秋易碧往者汲井生高舉有飛鳥

冰臺盤

幽々南山下中江有歌石窪尊絕制度曲流汎醪液自
鑿愧濯足臨深懷衽席惟應洗心者能使百慮釋

翻經臺

高臺亦荒蕪雲氣久已寂伊人樹白業後來念遺迹虫
魚出華言科斗藏壞壁嗟然不可見風雨日易夕

高峰塔

地勢傾東維華岳持厚載靈戶俯河漢孤標拔江海初
日射方暉蜿蜒貫筆采揚舲指吳粵遙見出晡靄

龍泓潭

陰風蕭然至神物在洞府電火走石間虎氣上幽處池
雲無時出積雪自太古蝓蟠混泥途作解致雷雨

擇木為棲所性作

孔子去衛嘆曰鳥能擇木、豈能擇鳥予將去楚

適吳越切有感於斯言作擇木

提、兮飛鳥翔而集兮于木場有委粟兮予則不欲樊
則有棘兮非予之樂鷲則不仁曾莫予毒又集于陵毋
墜于繒豈不知兮有命嗟今之人兮不仁

東里

葛之浸、毋敗我垣河水之漬毋齧我稻田予甚勞苦
彼黠不知予將遂歸其菑東里之老聞予言而嘻予曰
歸哉

魯氏怡雲堂

山有雲兮為雨滂沱山有雲兮媚汝維何山中之人兮
和樂而有儀余心休、兮媚余匪他休而有容兮於余
晤歌

有樊

有樊有樊樹予以孫胡不蕭艾蕭艾寔繁彼繁胡治刈

而為芻嗟人有邑曾不是圖匪子孫之病予聞有命

桐江

朝取鱸與鮪暮取魴與鱖賦民毋令困革盡毛安傳我
欲言之大將軍家將軍不見省奈何減民田租將軍出
乘大馬入乘高車

歸來

有悖孺子衣之狐裘匪予之病予以為仇既撰予杖升
望于丘江不可涉夕其予舟

吳趨曲送薩天錫

四座並請聽：我歌彼邪彼邪不可聽：我為爾歌吳
趨美人珠玑韶諸于美人寶釵有九雛美人投我明月
珠

所思

君乘馬兮予追于丘君乘舟兮予跋于沙遠而不見兮
涉江與淮豈無人兮予望予之所思鴻鵠高飛兮孰知
其志道之方行兮我又焉求

長干

秋風從西來吹我庭前樹聞歡在揚州却向姑蘇住估

客離長干教儂寄書去

采蓮曲送王伯循

采蓮江之南采蓮江之北采蓮何所有但采蓮中意早
聞離別苦當爾悔不從前作相識縱令別離不復相憶

采蓮曲為魯子翬作

采蓮復采蓮：生隔江水不愁無舟楫但愁波浪起
采蓮復采蓮水深不得歸兒飢須母哺當今阿誰飴

蕭、飢馬鳴

蕭、飢馬鳴隔林見落月游子暮父老豈復畏脫別負

書或在船津吏已催發臨觴不能持悵生白髮况是

江海永歲晏多風雪風雪塞中路不隔游子輒平生四

方志念此心亦折男兒各有願君子保明哲上思娛尊

親下以浣帽結

同登雞籠山

騎馬出北關去上雞籠山升高望城郭其中多憂患君

看一丘土長留桂樹間

送翁景陽

門前五株桃春暮始作花勸爾一杯酒丈夫莫思家功

成持身歸吏民相迎遮男兒自應爾父老慎勿誇

結廬南山下

結廬南山下頗紆故人轍浮沉各自媚長愧生理拙中
園黃菊花契濶見晚節平生匡濟心敬愛已獨潔豈無
一尊酒可以療飢渴歸哉視汝菊將恐霜露結

岐山小隱圖

我思岐山無日不思彼岐出雲亦返于岐思胡不歸孰
言岐遠舟則在川車則在坂維岐之陽有棗與桑予歸
之不遑予心之傷

大星

大星在天小星落城頭鳴吹画角津吏擊鼓河上船
行人草居人怜男兒墮地孤矢願南北東西君莫怨

羽林

公子被我白鼉裘公子遺我明月珠孤兒假父云姓劉
其官高於五諸侯公子之恩何日酬

北風寄陳輔賢

蕭蕭北風吹客船月未出海天蒼然客子放歌脚扣舷
簫臺東頭天接海簫臺西頭山刺天

硯屏山水

東風日暮吹蘭芷美人相思隔江水九疑青落九州外
白雲飛高明月死海邊八月客星來一尺銀河三萬里

送周生

二月已暮江水深春風吹折行人心山頭明月落未落
杜鵑夜半莫哀吟泊船上有青楓林

三月欲來花繞陌又唱銅鞮送行客男兒莫爾可伶生
男兒生身好顏色拔劍起舞雞鳴柵

沙頭酒店

江邊楊柳金虫落雨過桃花香漠漠沙堤小市似新豐
阿姬十五當壚惡縷金半臂双处央翠杓銀罌勸客嘗
嘶殺門前五花馬羅敷有夫空斷腸

曉院僧鐘

大星煌煌小星落沙頭鳴鳴吹画角機心暮夜伏不行
鐘鳴一聲群動作市人射利坐待旦居山日晏呼不覺
嗟居人未足多鐘乎鐘乎奈若何

龜嶼迎潮

玄靈吐納日月光軒輕大海敦其陽海枯石爛不得死

甲間綠髮如人長昔年洛書薦祥瑞
攻龜獨見收文章
天球河圖在東壁豈久寘汝南海傍

石亭避暑

南山石楹跨絕壑有飛者翼誰所作
女媧補天或見遺
往々天陰媾冰雹天上大火伏不流
楹南草木含清秋
老夫年衰畏炎赫朝來忽念山中客

與宋希顏會玉山人家書其壁

小山培塿溝中蛙大山宛轉行黃蛇
風吹海霧麴塵起
山頭紅樹紅如霞東來明月無根蒂
我行忽至山人家

山人好事喜致客賓客滿屋書滿車
眼中頓有玉人兩
膝上文度鳴嘔啞祝婦家傾伯倫
釀驅兒手煮盧仝茶
彌明結喉石鼎句禰生頓足漁陽搥
原上脊令古兄弟
山中雞犬秦桃花百年富貴謾稱意
歲月衰々春江波
跼顏天壽不足惜虫沙猿鶴令人嗟
我起勸爾一杯酒
但持仁義終身多今夕何夕且樂飲
奈此明月青天何

和陳叔夏韻送此山僧

天孫織錦當朝陽銀梭扎々回天章
麒麟鳳皇映東壁
煌々珠笈帝所藏分送天人寶華雨
紫狐夜泣龍鬚塵

袖間明月大如屋老蛟來飲銅盤露天孫何曾辛苦為
東風吹綠雲錦機娉婷盈一渡河漢世上那有新相知

信筆次潘一水韻

墻陰梅花上朝日一線微陽落東壁白頭老子居戶中
諸生授經爭擁膝下帷罷講進盤飧旨蓄雜羞行上粟
只今生年八十餘耳目聰明好顏色抑搔說帶見鮑文
戶牖無風養龜息去年媪病入脩夜壁間遺挂皆陳迹
百憂薰心損老氣十夢九見空惻惻作詩遠寄平生素
但云衰朽傷宿昔土田腴瘠付兒耕村軸軒輞無婦織

食肉徒悲鯢齒生著書幸留腫子碧君看朝露落復乾
莫持憂患橫胸臆前日雁歸初北鄉行見南賓飛歷歷
北隣笙竽屋瓦振卧夜裁能專一席百年榮華不滿皆
學道無方如轉石盜跖豈能賢孔顏富貴壽夭非人力
聖明天子政好老我願先生起華國

送達兼善典僉

江頭風多花暗天舟子擊鼓牽官船綉鞍大馬來如
學士翠雕袍領妍袖中三尺軟玉鞭手揮送者日在山
隴西男子更致言東方民力願少寬達官僭索橫索錢

先生歸到 明主前上言赤子天哀憐仁人在位如解
懸大臣不讓鼻夔賢天下畫一微張弦未將鼎俎烹小
鮮如吾但當居力田眼見霖雨閏豐年墻下飯牛薺花
圓

送陳君禮之婺女兼寄徐仲禮

陳公子騏驎駒駘一日馳萬里珍恠生從渥洼水不隨
衆馬仰秣芻泛駕六莫牽鼓車陳公子公起為我舞我
能為爾歌古來豪傑不擇術蕭曹刀筆終身多身為國
士足可惜致主堯舜今如何陳公子努力富貴勉自強

白髮坐見千丈長鄒陽枚乘烏足學去學董子登賢良
讀書未了無讀律脫令貧賤猶馨香陳公子我之故人
柏臺史三年不得書一帑鞭麟管鳳作官府往、吹笙
碧雲裏夫容衣裾雲錦襟手奪天巧天孫愁豈憶故人
在下土夜半短衣行飯牛陳公子我有幽蘭白雪之古
曲不辭為君歌宿、有使東來即寄書莫學故人忘我
為

712

